

ხელშეკრულება სახელმწიფო შესყიდვის შესახებ № 2017/25

(გამარტივებული შესყიდვა)

ქ. თბილისი

04 მაისი 2017 წელი

სსიპ „მონაცემთა გაცვლის სააგენტო“, (შემდგომში – შემსყიდველი ორგანიზაცია), წარმოდგენილი სააგენტოს თავმჯდომარის ირაკლი გვენეტაძის სახით და მეორეს მხრივ, შპს „ტელკო სისტემს“ (შემდგომში „მიმწოდებელი“) წარმოდგენილი მისი დირექტორის ირაკლი გულიაშვილის სახით, გხელმძღვანელობთ რა „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანების მე-2 მუხლის ა) პუნქტის საფუძველზე ვდებთ წინამდებარე ხელშეკრულებას შემდეგზე:

1. ტერმინთა განმარტებები

- 1.1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს ხელშეკრულებით გათვალისწინებული საქონლის მიწოდებას.
- 1.6. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.
- 1.8. თუ ხელშეკრულებით გათვალისწინებული ვადის უკანასკნელი დღე ემთხვევა უქმე ან დასვენების დღეს, ვადის დამთავრების დღედ ჩაითვლება მისი მომდევნო პირველი სამუშაო დღე.

2. ხელშეკრულების საგანი

ქსელის მოწყობილობები (CPV- 32423000)

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 1145.00 (ერთი ათას ასორმოცდახუთი) ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

3.3. შესყიდვის ობიექტის რაოდენობა და ერთეულის ფასი განსაზღვრულია დანართით „ფასთა ცხრილი“, რომელიც წარმოადგენს ამ ხელშეკრულების განუყოფელ ნაწილს.

4. მხარეთა ვალდებულებები

4.1 მიმწოდებელი ვალდებულია:

- ა) უზრუნველყოს წინამდებარე ხელშეკრულებით გათვალისწინებული საქონლის მიწოდება ხელშეკრულებით გათვალისწინებული პირობების შესაბამისად;
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;
- გ) ხელშეკრულებასთან დაკავშირებული ნებისმიერი მიმოწერა აწარმოოს წერილობით;
- დ) ხელი შეუწყოს შემსყიდველს ინსპექტირების განხორციელებისას;
- ე) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- ა) შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულების პირობებში ასახულ ვადებში და ფორმით.
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხელშეკრულების შესრულების კონტროლი

5.1 შემსყიდველის მხრიდან შესყიდვების კონტროლს (ინსპექტირებას) განახორციელებს მონაცემთა გაცვლის სააგენტოს ქსელის ადმინისტრატორი ქეთევან წვრიალაშვილი.

5.2 საქონლის მიწოდებისას გაფორმდება მიღება-ჩაბარების აქტი, სადაც დაფიქსირდება მიმწოდებლის მიერ ნაკისრი ვალდებულებების შესრულების შესაბამისობა წინამდებარე ხელშეკრულების პირობებთან.

5.3 ხელშეკრულების პირობებთან შესაბამისობის დადგენის მიზნით, შემსყიდველი უფლებამოსილია საქონლის მოწოდების ნებისმიერ ეტაპზე, საკუთარი ხარჯით, მის მიერ შერჩეული მეთოდით შეამოწმოს მოწოდებული საქონლის ხარისხი ნებისმიერ დროს.

6. შეფუთვა

6.1 მოსაწოდებელი საქონელი შეფუთული უნდა იყოს ქარხნული წესით.

7. საქონლის მიწოდების პირობები

7.1 მისაწოდებელი საქონელი შემსყიდველს ბარდება მუხლი 6.1 გათვალისწინებული შეფუთულ მდგომარეობაში.

7.2 მიწოდებულ საქონელთან ერთად მიმწოდებელმა უნდა მიაწოდოს შემსყიდველს შემდეგი დოკუმენტაცია: საგადასახადო ანგარიშ-ფაქტურა (დღგ-ს გადამხდელად რეგისტრაციის შემთხვევაში), სასაქონლო ზედნადები, საქონლის დასახელების, რაოდენობის, ერთეულის ფასის და საერთო ღირებულების მითითებით.

7.3 პასუხისმგებლობა აღნიშნული დოკუმენტების დაგვიანებით მიღების შედეგად შემსყიდველისთვის წარმოქმნილი ყველა ხარჯისთვის ეკისრება მიმწოდებელს.

7.4 საქართველოს კანონმდებლობით გათვალისწინებული საგადასახადო ანგარიშ-ფაქტრის მიუღებლობის შემთხვევაში შემსყიდველს უფლება აქვს უარი თქვას ანგარიშსწორებაზე.

8. შესყიდვის ობიექტის მიღება-ჩაბარების წესი

8.1 მიწოდებული საქონლის მიღება-ჩაბარება განხორციელდება შემსყიდველის მხრიდან ინსპექტირების განმახორციელებელი პირ(ებ)ის მონაწილეობით, მიღება-ჩაბარების აქტის გაფორმებით, სადაც მითითება მიწოდებული საქონლის დასახელება, რაოდენობა და ფასი.

8.2 ხელშეკრულებით გათვალისწინებული საქონლის მიწოდებისას მხარეები შერჩევის მეთოდით ახორციელებენ მიწოდებული საქონლის ვიზუალურ დათვალიერებას ან/და 5.1 პუნქტით გათვალისწინებულ ინსპექტირებას, რის შემდგომაც დგება 8.1 პუნქტით გათვალისწინებული მიღება-ჩაბარების აქტი და მიწოდებული საქონელი ჩაითვლება ჩაბარებულად.

9. გარანტია

9.1 მიწოდებული საქონლის ინსპექტირების ან/და მოხმარების დროს გამოვლენილი ქარხნული წუნის აღმოჩენის შემთხვევაში მიმწოდებელი ვალდებულია, შეტყობინების მიღებიდან 25 კალენდარული დღის განმავლობაში აღმოფხვრას აღნიშნული ხარვეზი ან/და შეცვალოს დაზიანებული საქონელი.

9.2 ექსპლოატაციის ნორმების დაცვის შემთხვევაში საგარანტიო პერიოდში საქონლის მწყობრიდან გამოსვლისას შემსყიდველი წერილობითი ფორმით (მ.შ ელექტრონულ მისამართზე: tatana@telco.ge) აცნობებს ხარვეზის აღმოფხვრის საჭიროების შესახებ „მიმწოდებელს“. წერილის მიღებიდან არაუგვიანეს მეორე სამუშაო დღისა „მიმწოდებელი“ „შემსყიდველთან“ ერთად ადგენს დეფექტურ აქტს, რომელიც შეიცავს შესასრულებელ სამუშაოებს და მათ ხანგრძლივობას. ხარვეზის აღმოფხვრა ხორციელდება 10 (ათი) კალენდარული დღის ვადაში, თუ ასეთი პროდუქციისთვის საჭირო სათანადო რეგულაციები „მიმწოდებელს“ აქვს ადგილზე (საწყობში). წინააღმდეგ შემთხვევაში 25 (ოცდახუთი) კალენდარული დღის ვადაში ვალდებულია აღმოფხვრას აღნიშნული ხარვეზი ან შეცვალოს დაზიანებული საქონელი.

9.3 მიწოდებულ საქონელზე ვრცელდება გარანტია მიღება-ჩაბარების აქტის გაფორმებიდან დანართში „ფასთა ცხრილი“ მოცემული ვადების შესაბამისად.

10. ანგარიშსწორება

10.1. ანგარიშსწორება განხორციელდება მიღება-ჩაბარების აქტისა ან/და საგადასახადო ანგარიშ-ფაქტურის წარმოდგენიდან არაუგვიანეს 10 (ათი) სამუშაო დღის განმავლობაში მიმწოდებლის მიერ მითითებული საბანკო რეკვიზიტების შესაბამისად.

10.2. ანგარიშსწორება განხორციელდება უნაღდო ანგარიშსწორების ფორმით.

10.3. დაფინანსების წყარო - 2017 წლის საკუთარი შემოსავლები.

11. ფასები

ხელშეკრულებაში დაფიქსირებული ფასები შეიძლება გადაისინჯოს და მოხდეს ფასების შეცვლა მხარეებს შორის გაფორმებული ურთიერთშეთანხმების საფუძველზე შემდეგ შემთხვევებში:

ა) საგადასახადო რეჟიმის შეცვლა;

ბ) ინფლაციის მაღალი დონე;

გ) საქონლის საბაზრო ღირებულების არსებითი ცვლილება. ეს მუხლი მოქმედებს იმ შემთხვევაში, თუ ფასის ცვლილება აჭარბებს 5%-ს და არ აღემატება 10%-ს.

12. ხელშეკრულების პირობების შეუსრულებლობა

12.1. თუ მიმწოდებელი: არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს, ან სისტემატიურად და/ან უხეშად არღვევს ხელშეკრულების პირობებს, შემსყიდველი წერილობით აფრთხილებს მიმწოდებელს დაიცვას ხელშეკრულების პირობები;

12.2. თუ მიმწოდებელი გაფრთხილების (შემსყიდველის მიერ მითითებულ გონივრულ ვადაში) შემდეგაც არ ასრულებს ნაკისრ ვალდებულებებს, შემსყიდველს უფლება აქვს ცალმხრივად შეწყვიტოს ხელშეკრულების მოქმედება; ასევე დააკისროს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად;

12.3. შემსყიდველს უფლება აქვს ცალმხრივად შეწყვიტოს ხელშეკრულების მოქმედება აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრ ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში;

12.4. მხარეებს ხელშეკრულებით გათვალისწინებული ვადების დარღვევის შემთხვევაში დაეკისრებათ პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით;

12.5. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს, შემსყიდველს უფლება აქვს შეწყვიტოს ხელშეკრულება.

12.6. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

12.7. პირგასამტეხლოს გამოთვლისას არ გამოიანგარიშება 5.3 პუნქტით გათვალისწინებული ინსპექტირებისთვის გახარჯული დრო.

12.8. გამოვლენილი დეფექტის აღმოფხვრასთან დაკავშირებით (მიმდინარე და ასევე უკვე შესრულებული ეტაპების მიხედვით) ინსპექტირების ჯგუფის მიერ თავდაპირველად განსაზღვრულ და „შემსყიდველთან“ შეთანხმებულ ვადაზე არ ვრცელდება საჯარიმო სანქციები.

13. ხელშეკრულების მოქმედების ვადა

13.1 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან და მოქმედებს 2017 წლის 31 აგვისტოს ჩათვლით.

14. ხელშეკრულების პირობების გადასინჯვის შესაძლებლობა

14.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

14.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

14.3 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ორი კალენდარული დღით ადრე წერილობით შეატყობინოს მეორე მხარეს შესაბამისი ინფორმაცია.

15. ფორს-მაჟორი

15.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

15.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

16. სადაო საკითხების გადაწყვეტა

16.1. წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ერთობლივი მოლაპარაკებების საფუძველზე.

16.2. თუ შემსყიდველი და მიმწოდებელი მოლაპარაკებების დაწყებიდან 14 (თოთხმეტი) კალენდარული დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ სასამართლოს საქართველოს მოქმედი კანონმდებლობით დადგენილი წესით.

17. სხვა პირობები

17.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.



17.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

17.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი ეგზემპლარი მიმწოდებელთან,

ხოლო ერთი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.


17.4 ხელშეკრულებში ცვლილებების შეტანა შესაძლებელია მხარეთა მიერ წერილობითი შეთანხმების საფუძველზე, რაც წარმოადგენს ხელშეკრულების განუყოფელ ნაწილს.

18. მხარეთა რეკვიზიტები

შემსყიდველი: სსიპ მონაცემთა გაცვლის სააგენტო ქ. თბილისი, 0102, წმ. ნიკოლოზის/ნ. ჩხეიძის N 2 ს/კ 204577699 ტელ: 2915140 სახელმწიფო ხაზინა კოდი 220101222 ა/ა #200122900  სააგენტოს თავმჯდომარე ირაკლი გვენეტაძე	მიმწოდებელი შპს ტელკო სისტემს ქ. თბილისი, ალ. ყაზბეგის გამზ. #29ა ს/კ 205203279 ტელ: 2-192-999 ვითიბი ბანკი ჯორჯია ბ/კ UGEBGE22 ა/ა GE54VT6600001212123602  დირექტორი ირაკლი გულიაშვილი
--	--

ფაცხების ცხრილი
(ხარჯთაღრიცხვა)

№	საქონლის დასახელება	საქონლის ძირითადი მახასიათებლები	მწარმოებელი ქვეყანა	განზომილება	რაოდენობა	ერთეულის ფასი	საერთო ღირებულება	მიწოდების ვადა და ადგილი
1	2	3	4	5	6	7	8	9
1	სერი - JG927A HPE	JG927A HPE 1920 48G Switch გარანტი 1 წელი	ჩინეთი	ცალი	1	1145.00	1145.00	ქ. თბილისი, უნივერსიტეტის ქუჩა #50, ხელშეკრულების გაფორმებიდან 2017 წლის 10 მაისის ჩათვლით.
სულ ჯამი							1145.00 ლარი	

შემსყიდველი: სსიპ მონაცემთა გაცვლის სააგენტო ქ. თბილისი, 0102, წმ. ნიკოლოზის/ნ.ჩხეიძის N 2 ს/კ 204577699 ტელ: 2915140 სახელმწიფო ხაზინა კოდი 220101222 ა/ა #200122900  დ. შიშინაძე სააგენტოს თავმჯდომარე ირაკლი გვენეტაძე	მიმწოდებელი შპს ტელკო სისტემს ქ.თბილისი, ალ.ყაზბეგის გამზ.#29ა ს/კ 205203279 ტელ: 2-192-999 ვითიბი ბანკი ჯორჯია ბ/კ UGEBGE22 ა/ა GE54VT6600001212123602  დ. შიშინაძე დირექტორი ირაკლი გულიაშვილი
---	--

ხელწერილი ინტერესთა კონფლიქტის შესახებ

2017 წლის 04 მაისი

ვადასტურებ, რომ „სახელმწიფო შესყიდვების შესახებ“ საქართველოს კანონის მე-8 მუხლის თანახმად, CPV-32423000 სფეროს შესყიდვასთან დაკავშირებით გასაფორმებელ ხელშეკრულებაში, შპს „ტელკო სისტემს“-თან ინტერესთა კონფლიქტში არ ვიმყოფები.

ხელშეკრულების დადებაზე უფლებამოსილი პირი

სააგენტოს თავმჯდომარე

ირაკლი გვენეტაძე

